

II

¹ Повесть ² Кирила многогрѣшнаго мниха к Василию игумену Печерьскому ³ о бѣлоризцѣ чловѣцѣ, и о мнишьствѣ, [л. 304 об.] и о души, и о покаянии ⁴

⁵ В нѣкоем ⁶ градѣ бѣаше царь зѣло кроток, благ же и милостив, добрѣ смотряше о своих людех; ⁷ сим же точию единѣм ⁸ — не бѣ разумен, понеже не бояшеся бѣства, ⁹ ни ратнаго ¹⁰ держаще оружиа; ¹¹ не мнѣвше иному ¹² нань ¹³ встати. Имѣяше при собѣ царь тѣмь многы другы и свѣтники и едину дщерь мужеумну. В тѣх же свѣтницѣх един бѣ мудр и благоразумен, иже скорбяше присно о небаянствѣ царевѣ, ¹⁴ обаче искаше ¹⁵ време не потребна, ¹⁶ како бы ему ¹⁷ глаголати к царю, да бы ся готовил на рать. В един же ¹⁸ час ноши внезапно [л. 305] бысть молва по граду велика, и рече царь к своим свѣтником: Изидемь и походим по граду, некли обрѣтше имемь творящаго в нашем градѣ мятежь; зѣло бо в велицѣ есмь нынѣ страсъ. И шедше же ¹⁹ и ²⁰ всюдѣ походивше, ²¹ ничто же обрѣтоша, но точию движение ²² граду. Всѣм же свѣтником в унынии бывшимь и о семь недомыслящимся, он ²³ благоразумный свѣтник, поемь царя и с дщерью его, к велицѣи приведе ²⁴ горѣ, имущи много ²⁵ различная оружиа, в ней же узрѣста свѣтлую зарю, оконцемь от ²⁶ пещеры исходяща. И к тому приникнув оконцю [л. 305 об.], видѣста ²⁷ внутрь вертѣпа жилище, в нем же сѣдяше мужь, в послѣдний нищетѣ жива, худыми оболчен рубы, ²⁸ ему же присѣдяще искрѣ ²⁹ своя жена, слажша брашна поюшу ³⁰ пѣснь. Предстояшетъ же ему нѣкто красен и ³¹ высок, на твердѣмь камени, питая ³² и вино черпая. И мужю чашю приемшу, тогда похвалами вѣнчаху, мноною ³³ радостно ³⁴ мужа. Сии же вся соглядав царь призва своя другы ³⁵ и рече к нимь: Оле чудо, мои друзи, видите, ³⁶ како худое се и потаеное житие честиѣ нашея державы ³⁷ веселится и свѣтлѣе внишних внутренья [л. 306] сияють!

Сде ³⁸ бо ³⁹ слово поставлеше ⁴⁰ и на предреченаа възвратимся, ⁴¹ разрѣшающии притчѣ съузъ, — успѣха ⁴² ради простѣйших, а быстрии умом ⁴³ преже сказаниа си вѣдятъ. Послѣдок же слова подробну ⁴⁴ речемь. ⁴⁵

Град убо есть, братье, ⁴⁶ съставление чловѣчьскаго телесе, ему же творецъ и ⁴⁷ зижитель бог.

А иже в немь людие — човьственныя уды нарицаем; слух, видѣние, ⁴⁸ обоняние, ⁴⁹ вкушение, осязание и нижняя теплоты ⁵⁰ сверѣпство.

Царь же есть ум, обладаай ⁵¹ всѣм тѣлом. ⁵² Зѣло же есть благ, и кроток, и милостив — о своем бо телеси паче всего печется, ⁵³ тому ища [л. 306 об.] потребных ⁵⁴ и крася его одежами. ⁵⁵ Добрѣ же смотреть своим

¹⁻⁴ Слово о скороминувшемь семь житыи. Господи, благослови, отче! Т; Слово блаженнаго Кирила мниха к Василию игумену Печерьскому о мирьском сану, и о мнишьском чину, и о умѣ, и о души, и о покаянии, си воставлено притче У. ²⁻³ Нет Б. ⁵⁻⁶ В ркп Нѣкоем ⁷ делѣх У. ⁸ Нет У. ⁹ бѣжества У. ¹⁰ Доб. же Б. ¹¹⁻¹² не мнѣше бо кому В; не мняшет иному Т; не мняше бо иному У. ¹³ нань БТУ; в ркп. и нань. ¹⁴ Доб. но У. ¹⁵⁻¹⁶ времени подобна Т; подобна време не У. ¹⁷ ему БТУ; в ркп. емь. ¹⁸ Нет Б. ¹⁹ Нет БТ. ²⁰ Нет БТ. ²¹ и походжыше Б; похожьше У; нет Т. ²² движение БТУ; в ркп. движание. ²³ Доб. же Б. ²⁴ Доб и Б. ²⁵ многа и БТУ. ²⁶ из У. ²⁷ пондѣста Б. ²⁸ вретници У. ²⁹ Нет У. ³⁰ поюши ТУ. ³¹ Доб. зѣло Б. ³² Доб. и У. ³³ и великою Б; и мноуго ТУ. ³⁴ радостно БТУ; в ркп. доб. святою. ³⁵ слуги Т. ³⁶ Нет У. ³⁷ Доб. есть Б. ³⁸ Дозде У. ³⁹ же БТ; нет У. ⁴⁰ оставльше БУ. ⁴¹⁻⁴⁵ Слышите, братие, сказание притча сеа У. ⁴² успѣха Т; в ркп. успѣша. ⁴³ Доб. и Б. ⁴⁴ потрѣбно Б; подобно Т. ⁴⁵ Нет Т. ⁴⁶ Нет Б. ⁴⁷ Нет Б. ⁴⁸ зависть Б; видѣние ТУ; в ркп. вѣсть. ⁴⁹ Доб. видѣние добру и злу Т. ⁵⁰ теплота и Б. ⁵¹⁻⁵² сердцемь всѣм и Б; всѣм дѣлом У. ⁵³⁻⁵⁴ то имуща потребных Т; и аще тому потребных У. ⁵⁵⁻⁵⁶ Зрит же добрѣ